



Bayan

www.philippinerevolution.org

makas kag sakripisya sang mapisan nga pagpukaw kag pag-organisa kag pag-tukod sang

EDSA 1

PEOPLE POWER

BANAN ANG ASISMO!

1986

PATALLSIKIN SI GMA!

kaayuhan. Ang diwa man nga ini ang yara sa likod sang EDSA 2, kag amo man ang sa likod sang subong nga patinguha sang pumuluyo nga tapuson ang ginakangil-aran nila nga rehimeng Arroyo.

Gani nga pilot nga ginapakaga-may sang rehimeng Arroyo ang pagselebrar sa ika-20 anibersaryo sang EDSA 1. Isa ka paki-

miniyon nga pamatayo sa kursal sa isa ka dalagkuan nga paghul nga magatapos sa garuk, pa-pet kag brutal niya nga pagginahum. Gani pilot niya gi-napanas

EDSA 2

PEOPLE POWER

MASA NG BAYAN!!

2004

PAHINA 10

sa isip sang pumuluyo ang diwa kag importansya sang EDSA 1, pati ang EDSA 2 nga iya napadipuslan. Sa tuyo nga tabunan ang mga leksyon lunsay sa EDSA 1 kag EDSA 2, binilyon nga piso ang pondo nga gintalana ni Arroyo para "pahilumon ang mga pilas" sini.

Pero ang mga leksyon sang EDSA 1 kag EDSA 2 indi matabunan sang mga wala unod nga pahambog ni Arroyo. Muklat ang pumuluyo sa kahustuhan kag padayon nga importansya sang mga ini sa subong.

Una, agud mag-angkon sang mga signipikante nga pagbag-o pangkatilingban, pinaka-epektibo nga hinganiban ang direkta nga paghulag sang pumuluyo sa karsada ikumparar sa iba pa nga porma sang ligal nga paghulag nga ginapahanugot sang nagaluntad nga reaksyunaryong estado. Bisan indi sini mahimo nga bag-uhon ang mismo nga mapiguson kag mapanghimulos nga sistemang pangkatilingban, masaranggan sini nga tay-ugon sang husto ang nagaharing sistema pangpulitika, mag-angkon sang signipikanteng mga konsesyon para sa pumuluyo kag pakunon ang isa nga nagaharing guban.

Ikaduha, sa kada madinalag-on

nga pag-alsa sang pumuluyo, nakatipon sang eksperensya kag kumpyansa sa kaugalingon ang pumuluyo para sa padayon pa nila nga mapataas ang lebel sang ila paghulag kag makaangkon sang nagapadaku pa nga mga kadalag-an para sa kaayuhan sang masa sang pumuluyo, ilabi na mas madamu nga anakbalhas. Tungtungan ini para sa pagpasulong sang mas militante kag mas abante nga porma sang paghimakas sang pumuluyo nga partisipahan sang nagapadamu nga pumuluyo.


Ikatlo, luwas sa sulog sang hayag nga kahublagang masa kag malapad nga nagahiliugyong prente sang pumuluyo kag iban pa nga positibong pwersa, paktor man sa kadalag-an sang EDSA 1 kag EDSA 2 ang pagkambyo sang suporta diri halin sa signipikanteng bahin sang armadong pwersa sang estado. Sa amo nga paagi, ginabali ang isa sa mga pangunahon nga haligi sang nagaharing rehimen kag ginahikawan diri ang isa sa mga pangunahon nga instrumento sang kapintas kag pagpangtapna batuk sa pumuluyo. Sa masunod nga adlaw, magadaku ang kakinahanglanon sa mga armadong pwersa nga kapot

mismo sang pumuluyo. Ginatudlo sang inagihan ang kahustuhan kag kakinahanglanon sang kumbinasyon sang ligal-parlamentaryong paghimakas kag armadong paghimakas para padayon nga makaagum sang mga kadalag-an tubtub mangin lubos nga kadalag-an sang pumuluyo.

Ikaapat, ginatudlo man sang mga eksperensya sang EDSA 1 kag EDSA 2 nga indi bastante nga may yara lamang nga manabaw, bahin, mahuyang kag temporaryo nga pagbag-o nga liwat masampawan sang nagapangibabaw nga mga indi madula nga salot sa nagaluntad nga sistemang pangkatilingban. Sa liwat nga paglupok sang pag-alsa sang pumuluyo, pat-ud nga magabaskog ang panawagan sang pumuluyo para sa mas malapad nga demokrasya kag kahilwayan sa sistemang pangpulitika kag ekonomya. Dugang nga nagaathag sa ila nga indi mahimo mag-untat ang pangmasang paghimakas tubtub indi maagum ang lubos nga kadalagan kag ang pagbag-o sang sistema. Liwat may yara na naman nga reaksyunaryo nga pinuno nga labaw nga nahamulag kag sobra nga ginakangil-aran sang pumuluyo. Wala siya sang duha-duha nga gumamit sang pagpanapna kag pagpaniplang para mangunypot sa poder.

Sa pihak sang wala untat nga pagpanapna sang rehimeng Arroyo, indi sini maabangan ang padayon nga pagsulong sang mga protesta sang pumuluyo. Kinahanglan sang paliwat-liwat nga pagsulong sang mga pangmasang paghimakas kakumbinasyon ang iba pang pamaagi sang paghimakas tubtub pagsulong ang mga ini sa lebel nga indi na sarang pungan sang mga instrumento sang pagpamigos sang rehimen.

Sa atubang sang madasig nga nagasingki nga krisis pangpulitika kag labi pa nga pagkahamulag sang

 <p>Tuig XXXVII No. 4 Pebrero 21, 2006</p> <p>Ang <i>Ang Bayan</i> ginabantala sa lengwahe nga Pilipino, Bisaya, Iloko, Hiligaynon, Waray kag Ingles.</p> <p>Mahimo ini i-download halin sa <i>Philippine Revolution Web Central</i> nga makit-an sa:</p> <p>www.philippinerevolution.org</p> <p>Nagabaton ang <i>Ang Bayan</i> sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.</p> <p>Malab-ot kami paagi sa e-mail sa: angbayan@yahoo.com</p>	
<p>Ang <i>Ang Bayan</i> ginabantala duha ka beses kada bulan sang Komite Sentral sang Partido Komunista sang Pilipinas</p>	

Kaundan

Editoryal

Kaptan ang mga leksyon sg EDSA	1
Panibag-o nga sikad sang kahublagang talsik	3
Garuk ang <i>Cha-cha</i>	5
Angot sa <i>landslide</i> sa Leyte	6
Madinalag-on nga TO	7

40 armas nakumpiska sg BHB	
Mga opensiba sa NEMR	
Pagpamomba sg mga sibilyan	8
OCW remitans	10
Anti-imperyalismo sa Venezuela	11
Sin-o si Hugo Chavez	12
Balita	13

"Editoryal...", sundan sa pahina 3

ANG BAYAN Pebrero 21, 2006

Panibag-ong sikad sang nagalapad nga kahublagan para patalsikon si Arroyo

Nagakadasma subong si Gloria Macapagal-Arroyo sa atubang sang ginapakita nga paghiliusa sang mga progresibo kag militanteng organisasyon, sang mga nahanungang pwersa kag pati sang mga reaksyunaryong anti-Arroyo kag pagtipun-tipon nila sang kusog agud ilunsar ang mga demonstrasyon sa kalye.

Isa ka daku nga demonstrasyon ang igoilunsar sa Pebrero 24 agud dumdumon ang ika-20 nga anibersaryo sang EDSA 1 kag labi pa nga pasingkion ang panawagan para patalsikon si Arroyo sa Malakanyang. Sa adlaw nga ini, magamartsa ang nagkalain-lain nga grupo sa nagkalain-lain nga sentro sang Metro Manila padulong Liwasang Bonifacio sa Maynila.

Ginalauman nga matupungan ukon malampasan pa sang nakatak-dang demonstrasyon sa Pebrero 24 ang dalagkuan nga demonstrasyon sadtong nagligad nga tuig. Labi nga mas hugot nga paghiliusa ang ginapakita

subong sang mga pangunahong pwersa nga anti-Arroyo kumparar sa nagligad.

Sining Pebrero 14, nagpakita kag nagpahayag sang paghiliusa si anay Presidente Joseph Estrada kag anay Bise Presidente Teofisto Guingona para sa pagpatalsik kay Arroyo. Madumduman nga ang diskurso sadto ni anay Senador Guingona amo ang nagduso sang paglunsar sang kaso nga *impeachment* batuk kay Estrada. Sining Pebrero 16, binasa ni Guingona ang upisyal nga pahayag sang malapad nga Bukluran para sa Katotohanan. Siling niya, lubos ang desisyon nga gamiton nila ang "people power" batuk sa mga naggamit sang

gahum agud "magbinutig, mangdaya kag magkawat."

Dugang ni Guingona, ang sinipikansya sang pag-alsa sadtong 1986 nagapadayon batuk sa mga "nagtalikod diri, sa mga naglapak sini kag sa mga nagatapna sini." Gina-insister sang Bukluran nga tapuson na ang di lehitimo nga pagginahum ni Arroyo kag pagkatapos nga mapukan ini tukuron ang isa ka transisyunal nga konseho nga amo ang magapadalagan sang pungsod.

Sa katuyuan nga mapihak ang nagahugot nga paghiliusa sang malapad nga oposisyon sa iya rehimen, gintarget ni Arroyo nga paamuamuon si anay Presidente Joseph Estrada paagi sang pagtanyag sa iya sang "temporaryo nga kahilwayan" samtang ginabista ang iya kaso nga pandambong sa Sandiganbayan. Pero wala ginkagat ni Estrada tanyag nga ini sang Malakanyang. Ginpamatakan pati sang Sandiganbayan ang pagtanyag sang Malakanyang kay Estrada kag ginsiling ini pagpasilabot kag pagimpluwensya sa dalagan sang kaso.

Pagbatu sa sulod sang militar. Labaw man nga ginakakulbaan ni Arroyo ang nagapagsik "*Patalsikon..., 'sundan sa pahina 4*



"Editorial..., " halin pahina 2

rehimeng Arroyo, sang mataas nga pagtibusok sang ekonomya kag nagabaskog nga singgit sang pumuluho nga tapuson na ang garuk, papet kag brutal nga pagginahum ni Arroyo, napanahon nga liwat maglunsar sang malapnagon nga pag-alsa sang pumuluyo.

Pursigido subong sa paghugpong ang malapad nga kubay sang

mga pwersang anti-Arroyo, lakip ang mga progresibong organisasyon, mga partido nga oposisyunista kag mga disgustado kag nasanagan nga elemento sa sulod sang reaksyunaryong militar kag pulisya para makatuga sang bagyo sang protesta nga magatay-og sa nagaharing guban kag dalayon nga magapatalsik kay Arroyo sa Malakanyang.

Determinado sila nga hatagan katapusan ang wala unod, kagarukan kag kapintas sang subong nga papet nga rehimen. Natigayon ini batuk sa diktaduryang Marcos sadtong 1986. Natigayon liwat ini batuk sa garuk nga rehimen sang Estrada sadtong 2001. Kagi indi magdugay, liwat ini nga mahimo batuk sa madinayaaon, garuk kag brutal nga rehimen sang US-Arroyo.

"Patalsikon..." halin pahina 3

paghulag sang mga upisyal kag suldado nga nagabatu sa iya rehimen kag ang hayagan nga panawagan sa AFP nga maghulag kag talikdan si Arroyo.

Lutaw ang lapnagon na pagkatublag sang militar kag pulis sa bilog nga pungsod sa pagsuksok sang nagkalain-lain nga pula nga bayu sang kadam-an nga nagtambong sa Philippine Military Academy sining Pebrero 18 sa Fort del Pilar, Baguio City. Ginapakita diri kon ano kalapad ang nagasuporta sa kawsa sang mga patriyotiko kag progresibong grupo pareho sang "Magdalo" kag iban pa nga grupo nga anti-Arroyo sa sulod sang militar kag pulis. Madamo sa mga nagtambong sa pagtilipon sa PMA ang naghigot sang pula nga bandana sa ila mga kalo ukon nagsuksok sang mga pula nga kalo ukon kamiseta.

Sa mga dalan pakadto sa Baguio City, nakabitay ang mga istrimer nga nagapanawagan sa mga upisyal halin sa PMA nga manindugan kag maghulag. Nakasulat sa isa ka istrimer nga "Sa akon mga mistah, *upperclass* kag *underclass*, ang mga linya nakuhit na sa tunga sang husto kag sala; sang kamatuoran, kabutigan kag hustisya kag pagpang-abuso. Diin ka magalugar?"

Nakatalana nga magtambong si Arroyo sa tuigan nga selebrasyon nga ini kon sa diin nagatilipun- tipon ang mga aktibo kag retirado nga mga upisyal sang militar kag pulis nga nagtapos sa pangunahong pangpubliko nga iskwelahan militar sang pungsod. Sining mga ulihi nga bulan kag simana sige ang pagbisita ni Arroyo sa mga kampo sang militar ukon pulis agud ipakita nga tampad sa iya ang bugos n ga armadong kusog. Pero ginkanselar niya ang pagtambong diri sang ibuyagyag sining Pebrero 16 ang plano kuno nga kudeta nga ginpangalanan "Oplan Hackle." Bisan wala naman sang

natabo nga aksyon sa okasyon nga ato, pat-ud nga daku nga kahuyanan ang abuton ni Arroyo kon nakatambong siya didto.

Kon usisaon, indi lang kahuyanan, labaw nga kakulba ang nagaputos kay Arroyo sa atubang sang madasig nga nagalapnagon nga pag-organisa kag pagbatu sa kubay sang mga kasuldaduhan. Nagangkon sang mabaskog nga huringhuring kaangot sa rekrutment sang mga suldado kag pulis para batuan ang rehimen. Liwat nagdeklarar sang *red alert* ang AFP kag PNP sa Metro Manila kag gindugangan sang mga pwersang pangseguridad ang Malakanyang lakip ang anum ka tangke nga Simba halin pa sa Tarlac. Pagkatapos nga pakagamayon ang impluwensya sang grupong "Magdalo," napilitan subong nga akuon sang Malakanyang nga may mabaskog nga simpatiya ang mga rebelde nga grupo sa kubay sang kasundaluhan.

Sadtong Pebrero 13, bisperas sang bista sang mga akusadong nadalahig sa protestang Oakwood nga nanawagan sa pumuluyo nga

humugos na sa karsada kag ginapakita ang malaparan nga disgusto sa di lehitimong presidente kag iya gubyerno nga lapnagon ang korapsyon. Ginabuyok nila ang pareho nga suldado nga magsuksok sang pulang *armed band* bilang protesta sa tiko nga gubyerno.

Masunod nga adlaw, ang apat nga nakita nga nag-entra sa isa ka rali sa guwa sang Makati Regional Trial Court kon sa diin ginabisita ang mga rebeldeng suldado. Upod ang duha pa nila suldado nga Magdalo, kaupod nila ang ginatus-gatos nila nga tagasuporta. Ini sa pihak sang pagpakat sang 400 suldado agud paturon nga wala sang makapalagyo sa mga napriso. Direktahan man nga ginsupak ni 1Lt. Francisco Ashley Asedillo sang Philippine Air Force ang paandam sa AFP batuk sa pagpainterbyu sa midya kag mamahayag didto mismo sa bista kag pagkatapos ginpalusot sa midya ang isa ka malipot nga pahayag upod ang panyo nga may islogan kag simbolo sang mga nag-alsa sa Oakwood. Nakasulat diri ang islogan nga "Bayan ko, ituloy ang laban." AB

Arroyo, nahadlok sa "people power"

Sa sobra nga kahadlok ni Arroyo sa "people power," gintinguha niya nga magtakda sang "state visit" sa US sa panahon sang ika-20 nga anibersaryo sang EDSA 1. Wala ginsabat ni Pres. George W. Bush ang pagpang-imbitar ni Arroyo sa kaugalingon. Gani nga ginkanselar man ang ginaareglo tani ni National Security Adviser Norberto Gonzales kag Venable LLP nga pagpakighinun-anon kay Arroyo sang National Press Club sa Washington D.C. sa Pebrero 21. Gintilawan niya nga imbitahan ang kaugalingon sa Saudi Arabia-ugaling wala man panahon ang Hari para sa iya. Napaslawan man ang pagpakig-angot sa mga pungsod nga Spain kag Australia nga daw ginarigkaman siya.

Para lang makalikaw nga abtan siya sang anibersaryo nga yara sa kabisera sang pungsod, nagtakda na lang si Arroyo sining ulihi sang pagbisita sa Boracay, Cebu, Cavite kag Bulacan. Simple lamang ang dahilan sang iya paglikaw-indi siya komportable nga makaupod sa entablado si anay Corazon Aquino nga sa subong padayon nga nagapanawagan para sa iya pagpanaog sa poder. Indi lang ina. Daku ang kahadlok ni Arroyo nga mag-atubang sa libu-libo nga magtilipun-tipon sa selebrasyon nga ini nga pat-ud nga magsinggit sang "Gloria resign!" AB


Ngaa garuk kag makahalalit sa pumuluyo ang padihut nga Cha-cha nanday Arroyo kag de Venecia*

Garuk kag labing makahalalit sa pumuluyo ang padihut nanday Gloria Macapagal-Arroyo kag Speaker Jose de Venecia nga amyendahan kag bayluhan ang konstitusyon sang reaksyunaryong Gubyrno sang Republika sang Pilipinas (GRP) nga nabalay sadtong 1987.

Indi lang nagaserbi sa pangpuli-tika nga kadalukon nanday Arroyo kag de Venecia ang mga ginproponer nga amyenda, kumprehensibo pa sini nga ginaatake ang mga pungsodnon kag demokratikong kinamatarung sang pumuluyong Pilipino.

Gusto lang kuno nga bayluhan ang porma sang gubyrno halin presidensyal padulong sa parlamentaryo, pareho sang pagpakuno-kuno man sadto ni Marcos. Pero ang matuod nga katuyuan sini amo nga gamiton ang ginatawag nga mga *transistory provision* para magapabilin si Arroyo sa poder bilang awtokratikong presidente ala-Marcos nga may kontrol sa sanga sang ehekutibo kag sa isa ka bogus nga parlamento nga nakapaidalum sa isa ka masinulundon nga primer ministro.

Kugaon ukon pagatapnaon ang mga kahilwayan sibil kag pulitikal kag kakason ukon amyendahan ang subong nga mga limitasyon sa pagdeklarar sang layi militar kag *emergency rule* kag sa mga paglapas sa tawhanong kinamatarung para hatagan-dalan ang hayag nga anti-demokratikong pagginahum sa ngalan sang pungsodnon nga seguridad kag sang "gera kontra sa terorismo" nga ginaduso sang US. Igabasura ang kinamatarung sang pumuluyong Pilipino sa soberanya nga pang-ekonomya kag pungsodnon nga patrimonya santo sa imperyalistang "globalisasyon" paagi sang pagkakas sa pila na lang nga



nabilin nga restriksyon batuk sa dumuluong nga pamuhunan nga makitan sa konstitusyon sang 1987. Bunga sini, pagatugutan ang mga dumuluong nga kumpanyang multinasyunal nga panag-iyahan kag kontrolon sang 100% ang duta, mga dunang manggad, mga pangpubliko nga yutilidad kag tanan nga sari sang negosyo.

Pagakuhaon ang mga probisyon sa konstitusyon sang 1987 nga nagadumili sa teritoryo sang Pilipinas sang mga dumuluong nga base militar, dumuluong nga tropang pangkombat kag mga nukleyar, *biological*, kemikal kag iban pa nga hinganiban para sa madamuan nga pagpatay.

Bastante na nga sambiton ang nasambit nga mga amyenda para pamatud-an nga desidido sanday Arroyo kag de Venecia nga luiban kag lapason ang pungsodnon kag demokratiko nga mga kinamatarung sang pumuluyong Pilipino. Agud matuman ang ila mga makinaugalingon nga interes kag ang interes sang ila mga imperyalistang amo, tuyo sang duha ka traidor nga ini nga magpadihut sang "people's initiative"

agud mairatsada nila ang plano nga *Cha-cha* kon indi nila mapasunod ang Senado sa ila kagastuhan.

Kon matuman ang maluibon kag pasista nga padihut nga *Cha-cha* nanday Arroyo kag de Venecia, labi lang nila nga maduso kag dabukan ang malapad nga masa sang pumuluyong Pilipino nga pasingkion ang ila rebolusyonaryong pagbatu. Mangin imposible na ang liwat nga pagbukas sang pormal nga sugilanon sa negosasyon pangkalinungan sang GRP kag NDFP bangud matabunan na sang padihut nga *Cha-cha* ang substantibo nga negosasyon bahin sa pangkatilingban, pang-ekonomya kag pangpulitika nga reporma para sa benepisyo sang pumuluyong Pilipino.

Sa atubang sang malademonyo nga padihut nga *Cha-cha* nanday Arroyo kag de Venecia, labi nga pasingkionsang malapad nga masa sang pumuluyo kag sang malapad nga nagahiliugyong prente sang mga patriyotiko kag progresibo nga pwersa ang ila mga pagtinguha nga pukanon ang rehimeng Arroyo. Nagapagot sila sa baraghal nga padihut sang rehimen nga ilihis ang atensyon sang pumuluyo sa indi pa sini pagka-lehitimo, sa mga krimen sini kag sa mga pagtinguha sini nga magpabilin sa poder paagi sa padihut nga *Cha-cha*. AB

*Ginsulat ni Kaupod Jose Maria Sison nga ginsalin halin sa Ingles.

Kaangot sa *landslide* sa Southern Leyte

Nagapakig-unong ang Partido Komunista sang Pilipinas kag ang bilog nga rebolusyonaryong hublag sa pagkamatay sang masobra 1,000 katawo sa St. Bernard, Southern Leyte sang matabunan sang duta ang bilog nga barangay sang Ginsaugon sadtong aga sang Pebrero 17. Makaligad ang pila ka adlaw nga pag-inulan, narumpag ang isa ka daku nga tipak sang katambi sini nga bukid kag natabunan sang nagahagunos nga lunang, tubig kag dalagku nga bato ang mga balay kag ulumhan sa baryo kag pati na ang iskwelahan nga elementarya, *barangay hall* kag kapilya.


Nagapanawagan ang Partido sa tanan nga rebolusyonaryong pwersa, ilabi na sa Bag-ong Hangaway sang Banwa kag mga demokratikong organisasyon sa Southern Leyte nga magbulig sa maabot nila nga masaranggan sa mga nabiktima sang kalamidad. Magabalay man ang komite sang Partido sa Eastern Visayas sang plano kon paano mamobilisa ang mga rebolusyonaryong pwersa kag pumuluyo nga nasakpan sini agud makapatuhaw sang resorsa kag makahatag sang iban pa nga masaranggan nga bulig sa mga nahalitan sang *landslide*.

Sa liwat, pinakatampok sang trahedya nga ini ang kadaku sang halit nga ginadulot sang kadalukon sang mga daku nga dumuluong nga kumpanya sa pagmina kag pagtroso indi lang sa kapalibutan kundi sa kabuhi kag pangabuhian sang pumuluyo. Partikular sa St. Bernard kag mga kalapit-banwa, pila ka dekada na nga kalbo ang kagulangan sini kag madugay na nga inabandona sang mga kumpanya sang *logging* ang lugar bangud wala na sang mapuslan nga troso. Matapos hukhukon ang manggad sang kagulangan, wala ni isa sa mga daluk nga nakapadipulos diri ang naghimo sang anuman nga tikang para sa *reforestation*. Bangud diri, paliwat-liwat ang dalagku nga trahedya sa isla sang Leyte nga tuga sang pagkahawan sang kagulangan. Umpisa nga matabo ang daku kag gulpehan nga pagbaha sa Ormoc City, Leyte sadtong Nobyembre 1991 nga ginkamatay sang nagaabot sa 6,000 kata-

wo, apat ka beses na nga natabo nga pagtiphag ukon pagbaha sa isla nga ginkamatay na sang libu-libo nga pumuluyo.

Sang matabo ang malaparan nga pagbaha kag pagtiphag man sang duta sa naaminhang Quezon kag Aurora nga nag-utas sa kabuhi sang nagaabot sa 2,000 katawo sadtong ulihi nga bahin sang 2004, labi pa nga nagbaskog ang panawagan nga untaton na ang operasyon sang dalagkuan nga minahan kag trosohan nga amo ang responsable sa pataratas nga pagpangwasak sa kapalibutan nga nangin dahilan sang madamu nga aksidente. Sa pihak sini, ginpasanyog pa sang rehimeng Arroyo ang pagpangampanya para sa pagpalapad sang operasyong pagpangmina sa pungsod. Ginpahanugutan man sini nga magtroso liwat ang San Jose Timber Corp. sa kagulangan sang Samar bilang pangpulitika nga konsesyon sa tag-iya sini nga si Sen. Juan Ponce Enrile.

Ginapamatud-an lang sini nga sa baylo nga kaayuhan sang pumuluyo ang unahon sini, nagaserbi pa nga tiglawas sang pinakadalagku nga buyong kag tagahukhok sang duna nga manggad kag pungsodnon nga patrimonya sang Pilipinas ang rehimeng Arroyo. Ginamobilisa pa sang rehimen ang armadong kusog sini agud magserbi nga protektor sang interes sang mga dumuluong kag dalagku nga komprador kag tapnaon ang protesta sang pumuluyo. Kriminal nga ginapahanugutan sang rehi-



meng Arroyo ang pagbuyok sa malapnagon nga komersyal nga dumuluong nga pagmina kag pagpangtroso sa pihak sang paglapak sini sa pungsodnon nga patrimonya, pagpangguba sini sa kapalibutan kag pagdul-ong sang katalagman sa kabuhi kag pangabuhian sang mga Pilipino. May mabug-at man nga responsibilidad ang rehimen sa malubha nga kakulangan sang epektibo nga kagamitan para makasabat sa sini nga mga aksidente bangud mas ginapili ni Arroyo nga itigana ang pinakadaku nga resorsa sang banwa sa mga galastuhan militar kag pagbayad sang utang.

Lubos nga ginasuportahan sang Partido kag tanan nga rebolusyonaryong pwersa ang panawagan sang demokratikong kahublagang masa nga untaton ang pagaob sang rehimeng US-Arroyo sa mga interes sang dalagkuan nga kapitalista kag mga lokal nga idu-ido nila kag ang wala pili nga pagpandambong kag pagpangguba sang mga ini sa kapalibutan. Magahimo man sang nagakaigo nga mga aksyon ang BHB, ang mga lokal nga organo sang gahum pangpulitika kag ang tanan nga rebolusyonaryong pwersa para suportahan ang pagbatu sang pumuluyo kag ipatuman ang mga pagsulundan sang rebolusyonaryong hublag nahanungod sa pagamlig sa kapalibutan. **AB**



40 armas, nakumpiska sang BHB

Cavinti Laguna. Wala sang lupok nga nasulod kag nalutos sang isa ka pinagamay nga platun sang Bag-ong Hangaway sang Banwa (BHB) ang istasyon sang Philippine National Police (PNP) sa Cavinti, Laguna sadtong Pebrero 18.

Nag-abot sa istasyon sang pulis ang 20 hangaway 1:30 sang hapon sakay sang duha ka pangpasahero nga dyip. Nagpakuno-kuno sila nga mga elemento sang AFP gani madasig sila nga nakasulod kag nadis-armahan ang istasyon. Wala na makabato ang mga pulis. Nakakumpiska ang mga hangaway sang 12 ka M16, lima ka pistola, lima ka *cellphone* kag mga gamit militar.

Manyakan, Benguet. Baynte'y tres nga sari-saring kalibre sang armas ang nakumpiska sang Bag-ong Hangaway sang Banwa-Benguet sang salakayon nila ang detatsment sang 54th IB kag CAFGU sa Barangay Cabiten sa banwa sang Manyakan sadtong Pebrero 10. Lakip diri ang apat ka M16, isa ka M203, pito ka M14 kag 11 garan. Nakakumpiska man sang madamo nga bala kag bakpak. Duha ka soldado kag isa ka elemento sang CAFGU ang napatay sa reyds.

Sa isa ka pahayag, ginsiling ni


Sey-ang Ramos, Tagapamaba sang Jennifer Maria Carino Command (JMMC) nga ang reyds sabat sa panawagan sang Partido nga pasinghion ang mga taktikal nga opensiba bilang amot sang BHB sa pagpapahalin kay Arroyo. Aksyon nga pagsilot man ini batuk sa yunit militar nga ginagamit sang Lepanto Mining Corp. sa paghimulos kag pagdaug-daug sa masa nga anakbalhas sa Manyakan kag katambi sini, kag kabayaran para sa mga utang nga dugo sang mga pasista nga kaway sang masa kag rebolusyunaryong kahublagan.

Ang mga elemento sang 54th 1B sa Cabiten ang kabangadanan sa pagpamahug kag pangharas sa mga minorya nga nagabato para sa duta sang ila katigulangan, mga kinamatarung kag kasiguruhan sang palibot. Upod diri ang brutal nga pagtapna sa matarungan nga paghimakas sang mga taga-Colalo kontra sa pagtindog sang Tailings Dam 5A kag sang mga taga-Bulalacao sa pag-agaw sang Lep-

anto sa ila nga duta para mapalapad ang pagmina sini.

Upod ang PNP-Manyakan kag 1604th PNP Provincial Mobile Group, ang yunit nga ini ang mapintas nga nagguba sa piketlayn sang mga nagawelga nga mamumugon sang Lepanto Mines halin Hunyo-Setyembre 2005.

Nagtuga sila sang mabangis nga operasyong militar nga nagresulta sa pagpatay sa sibilyan nga si Efen Agsayang (Setyembre 8, 2003), sa iligal nga pagaresto kag pagtortur kay Joseph Coop (Setyembre 8, 2003) kag harasment sa pumuluho sang Ampontoc, Colalo sadtong Setyembre 2003 kag sa Posdo Bulalacao sadtong Oktobre-Nobyembre 2003. Sadtong Agosto 17, 2005, tinortur kag sinalbyeds man sang mga elemento sang 54th IB kag pulis ang mga di armado kag pilason nga Pulang Hangaway nga sanday Antonio (Ka Leyap) Licawen kag Brando (Ka Tub-on) Banasan sa Buguis, Benguet. Gintampalas man ang ila mga bangkay: **AB**



Mga armadong aksyon, nagapadayon sa Northeast Mindanao

Lima ka elemento sang kaaway ang napatay kag lima ang napilasan sa separado nga armadong aksyon nga ginlunsar sang Bag-ong Hangaway sang Banwa (BHB) kag lokal nga milisya sa Northeast Mindanao sining tunga sang Pebrero.

Tatlo ka suldado ang napatay upod ang pila ka upisyal kag lima ang napilasan sa duha ka operasy-

ong harasment sang Pulang hangaway gikan sa Front 19 batuk sa naga-operasyon nga mga elemento sang 58th IB sa Barangay Anahaw Daan, Tago, Surigao del Sur sining Pebrero 8 kag 15.

Isa man ka suldado ang napatay kag isa pa ang napilasan sa harasment sang 10th Platoon sang Front 21 sadtong Pebrero 15 kontra sa mga elemento sang

29th IB sa Sityo Sigamaw, Barangay Wawa, Bayugan, Agusan del Sur.

Bag-o sini, duha ka karbin ang nakumpiska sang dis-armahan sang mga myembro sang lokal nga milisya kag pila ka taga-baryo ang detatsment sang CAFGU sa sulod sang PICOP sadtong Pebrero 14 sa Sityo Maputi, Dona Carmen, Hinatuan, Surigao del Sur. **AB**

Pagpamomba sa mga sibilyan

Duha ka adlaw nga wala pili nga ginbomba sang Southern Luzon Command (SOLCOM) si-ning Pebrero ang pila ka komunidad sang Quezon bilang balos sa mga armadong aksyong sang BHB sa lugar.

Pila ka oras matapos maghimo sang isnayping ang BHB sa mga tropa sang 74th IB sa lindero sang mga barangay sang Anonang, Burgos kag Magsaysay sa Mulanay sadtong Pebrero 7, nagpadala ang SOLCOM sang mga *helicopter gunship* nga pataratas nagpangmas- inggan sa nasambit nga mga barangay kag kaingod sini.

Liwat nga naglupad ang mga helikopter sadtong Pebrero 9 kag asta maghapon nga binomba ang nasambit nga mga komunidad matapos maengkentro sang mga suldado ang isa ka yunit sang BHB sa kalapit nga baryo. Bangud diri, napilitan nga magbakwit ang ginatusgatos nga mangunguma halin sa ila mga baryo kag ulumhan.

Kadungan sini, gindakup kag pinatay sang mga suldado sanday Romy Llobit kag Frederick Adan, mga residente sang Barangay Burgos kag San Narciso. Pito pa ka mangunguma ang gindakup, ginbakol kag tubtub subong nadula pa kag ginadudahan ginpatay man sang mga elemento sang SOLCOM.

Ang hitabo nga ini sa Quezon indi una nga insidente nga gumamit sang pagpamomba ang AFP bilang sabat sa mga aksyon kag presensya sang BHB.

Binomba sang Northern Luzon Command sadtong Enero

ang pila ka barangay sa Tarlac matapos makabaton sang impormasyon nga may isa ka yunit sang BHB sa lugar. Bangud diri, masobra 10 sibilyan ang namatay kag madamo pa ang napilasan. Agud takpan ang ila mga krimen, kinordon sang AFP ang mga baryo kag ginpagguwa nga mga myembro sang BHB ang mga sibilyan nga napatay. Gindumilian ang pagguwa sa mga komunidad kag bumase sa mga balay sang mangunguma ang mga suldado.

Ang pagpamomba sa mga sibilyan lapas sa tanan nga reglamento sa gera kag internasyunal nga makatawo nga layi. Sa pihak sini, kabahin na sang taktika sang AFP batuk sa rebolusyonaryong hublag nga himuon nga target sang reaksyunaryong gera ang mga sibilyan. Isa ini sa ila mga ginagamit nga paagi sa desperadong katuyuan nga "hubsan" ang suporta nga ginaangkon sang armadong hublag kag pisikal nga ihamulag ang BHB sa pumuluyo.

Remitans sang mga OCW

Wala sang nadulong nga tunay nga pag-uswag sang ekonomya

Sa nagligad nga 30 tuig, halos solo ang tuman kadaku kag padayon nga nagadaku nga remitans sang mga mamumugon nga Pilipino sa luwas sang pungsod ukon *overseas contract workers* (OCW) ang nagapugong sa dalayon nga pagrurdak sang bangkarote nga ekonomya sang Pilipinas. Pero sa likod sang daw alibyo nga nahatag sini, wala ini sang nadulong nga tunay nga pag-uswag sa pungsod.

Pagsulod sang dolyar, interes sang bangkrap nga rehimen. Suno sa Bangko Sentral ng Pilipinas (BSP), nagtaas sang 25% pakadto \$10.7 bilyon (P567-588 bilyon) ang remitans sang mga OCW nga nagagi sa mga bangko sadtong 2005. Masobra katunga sini ang kabilugang badyet sang gubyrno sa tuig nga ina (P907 bilyon). Suno sa World Bank, katumbas ini sang 13.5% sang GDP sang pungsod.

Nagapataas ang mga remitans sa Pilipinas sining nagligad nga mga tuig--\$6.9 bilyon sadtong 2002, \$7.6 bilyong sadtong 2003, \$8.6 bilyon sadtong 2004 kag \$10.7 bilyon sadtong 2005, base lang sa datos sang mga bangko. Suno sa World Bank, lakip ang Pilipinas sa lima ka pungsod nga nagabaton sang pinakadaku nga remitans sa bilog nga kalibutan. Lakip diri ang India, China kag Mexico. Kon isipon ang kwarta nga ginauli sang mga OCW nga wala nagaagi sa mga bangko, ginatanya nga nag-abot sa \$12.3 bilyon ang kabilugan nga remitans sang mga OCW sadtong 2005. Mahimo pa ini nga magaabot sang tubtub \$14-21 bilyon kada tuig.

Ang mga remitans nagsulod sa pungsod bilang dolyar kag ang mas daku nga bahin sini nag-agi sa mga bangko (mga 80% sini) ginapadipuslan sang gubyrno


""Remitans...," sundan sa pahina 9

paagi sang pagpadaku sini sang reserbang dolyar sang Pilipinas. Ang pagpadaku sang reserbang dolyar halin sa mga remitans ginagamit sang pungsod bilang pangbayad sa mga ginainport nga produkto, pangbayad sa mga utang, panggarantiya sa mga nagapautang kag pagbuyok sa mga dumuluong pamuhunan.

Luwas sa remitans sang mga OCW, nagakabo man sang daku nga kantidad ang rehimen halin sa mga balayran sang mga mamumugon bag-o sila maghalin sa pungsod. Sadtong 2004, nag-abot sa P14.4 bilyon ang ginkita sang gubyrno halin sa mga balayran sang 933,588 mamumugon nga nagguwa sang pungsod. Sa subong, nagaabot sa abereyds nga P17, 925 ang ginabayran sang kada OCW bag-o siya magkadto sa iban nga pungsod, kag wala pa diri ang balayran sa *recruitment* kag *manning agencies*. Luwas pa diri, nagapanukot ang mga bangko sang daku nga *remittance fees* (bayad sa pagpadala) nga nagaabot sang minimum nga 5-13.5% sang kabilugang remitans.

Ang daku nga pagtaas sang mga remitans ang nagapugong sa padayon nga pagtibusok sang balor sang piso sa subong. Walay huya nga gin-angkon naman ni Arroyo ang kredito diri kag ginpabugal pa sini nga talamdan ini sang maayo nga dalagan sang ekonomya sa idalum sang iya rehimen. Ugaling ang nagadaku nga remitans halin sa guwa sang pungsod hingalit kag artipisyal nga panabon lang sa grabe nga pagkabangkarote sang subong nga ekonomya kag padayon nga pagsingki sang krisis sa idalum sang subong nga rehimen kag sistema.

Atrasado kag bangkarote nga ekonomya. Ang pagluwas sang pungsod sang minilyun-milyon nga mamumugon nga Pilipino para didto mangita sang trabaho sintomas



lang sang malubha nga balatian sang ekonomya sang Pilipinas nga ginatampukan sang malapnagon nga disempleyo kag pag-us-os sang lokal nga produksyon. Dulot ini sang wala pili nga pandambong sang mga imperyalista, kawad-on sang tunay nga industriyalisasyon kag reporma sa duta, lapnagon nga korapsyon kag iban pa nga kagarukan sa idalum sang rehimen ng Arroyo kag sang malakolonyal kag malapyudal nga sistema sang Pilipinas.

Base sa ginpatahum nga estadistika sang gubyrno, masobra 25% sang pwersa sa pangabudlay ang wala trabaho ukon kulang sa makabuhi nga trabaho. Kon indi sa pagtrabaho sa luwas sang pungsod sang mga OCW, doble pa tani ang

numero sang mga wala ukon kulang ang trabaho sa sulod sang pungsod kag labing mas mabaskog ang kompetisyon para sa tuman ka limitado nga kapasidad para sa empleyo.

Wala sang ginadul-ong nga tunay nga pag-uswag sa ekonomya. Kon usisaon, ang produktibidad kag manggad nga natuga sang mga OCW ginapanginpuslan indi sang lokal nga ekonomya, kundi sang ekonomya sang mga pungsod nga ginatrabahuan nila. Pati ang ginapadala nga mga remitans sang mga OCW wala sang ginadulot nga signipikanteng pag-uswag sa ekonomya. Ang kantidad nga ini indi direkta nga nagakontribyutar sa lokal na produksyon.

""Remitans...," sundan sa pahina 10



Wala o halos wala sang tunay nga nagasulod sa pamuhunan sa industriya halin sa nasambit nga mga remitans.

Ang kadam-an sang mga remitans sang mga OCW ginagamit sa gilayon nga kinahanglanon sa konsumo sang ila ginapadalhan nga mga himata. Pangunahon na sa mga ini ang pagkaon, beste, renta sa balay, pagpaeskwela, pagpabulong kag pangbayad sa mga sandigang serbisyo pareho sang kuryente, tubig kag komunikasyon. Ang mga natipon nga daku-daku nga kantidad ginabakal sang mga kagamitan nga elektroniko pareho sang *videoke* kag *cellphone* ukon indi gani ginagamit sa mga aktibidad nga pangkalingawan pareho sang pagkaon sa mga restawran kag paglantaw sang sine.

Sa katapus-tapusan, daku nga bahin sang sang binilyun-bilyon nga ginapadala sang mga OCW sa pungsod makuha liwat sang mga dumuluong nga korporasyon nga nagabaligya sang mga produktong pangkonsumo kag mga serbisyo kag nagabalik sa mga industriya-lisadong pungsod.

Ang magamay nga bahin nga natalana sa daw pamuhunan sa pagtukod ukon pagpatahum sang balay, pag-opereyt sang pamasada nga traysikel o dyipni ukon indi pagpatindog sang magagmay nga tindahan kag mga pareho sini indi man tunay nga pamuhunan sa produksyon, kundi bahin gihapon sang ekonomya pangkonsumo. Ang mga ini indi gihapon nakadul-ong sang matuod nga pag-uswag sa pungsodnon nga industriya kag ekonomya.

AB

Anti-imperyalismo sa Venezuela

Sa nagligad halos isa ka dekada, todo-todo nga ginasulong sa pungsod Venezuela, isa ka pungsod sa Latin America, ang mga signipikante nga pagbag-o sa pulitika, ekonomya kag katilingban sa pagpamuno san anti-imperyalistang gubyrno ni Hugo Chavez. Ang mga pagbag-o nga ini nagadul-ong sa pumuluyo sang Venezuela sang mga kongkreto nga benepisyo sa porma sang mas maayo nga mga serbisyo sosyal kag mas mapagsik nga demokrasya sang pumuluyo.

Anti-imperyalismo ang yabi sa mga pagbag-o sa Venezuela.

Ang mga pagsulong nga naagum sang pumuluyo sa Venezuela amo ang kongkretong bunga sang militante nga anti-imperyalistang panindugan kag mga polisiya sang gubyrnong Chavez. Napilian ang gubyrno nga ini sadtong 198 sa promisa nga baliskaron ang dominasyon kag pandambong sang US kag ang indi pareho nga distribusyon sang manggad sang pungsod nga pila ka gatos ka tuig nga nagpaantos sa mayoryang pumuluyo nga Venezuela.


Gin-angkon ni Chavez ang popular nga suporta bangud sa desaysibo niya nga mga tikang para ipatuman ang pagpasulong sang mga rebolusyonaryong pagbag-o nga anti-imperyalista kag antipyudal sa Venezuela. Paagi sa mga kumprehensibo nga pagbag-o nga nagatib-ong sa pungsodnon nga kahilwayan batuk sa imperyalismo, ang dalaku nga rekursong daan ginadambong sang mga imperyalista ang subong direktang ginagamit kag ginapanginpuslan sang pumuluyo sa porma

sang mga serbisyo sosyal, pamumuhunan sa industriya kag iban pa nga patag sang produksyon.

Lakip sa pinakamatingkad nga mga pagbag-o nga ginapatuman ni Chavez ang lubos nga pagpaidalum sa kontrol sang estado sa Petroleos de Venezuela SA (PVDSA), ang pinakadaku nga kumpanya sang langis sa Venezuela.

Ginkaakig ini sang US kag mga nagaharing sahi sa pungsod. Ang Venezuela ikasiyam sa pinakadaku nga prodyuser sang langis sa bilog nga kalibutan kag ikaapat nga pinakadaku nga eksporter sang langis sa US. Diri nagahalina ang 70% nga kita sang pungsod.

""Venezuela...", sundan sa pahina 11



Labi pa ang kaakig nila kay Chavez bangud plano niya nga palaparon ang kontrol sang gubyrno sa industriya sang langis paagi sang pag-obligar sa mga pribadong operasyon sang langis nga magsulod sa mga sosyohan nga kontrolado sang gubyrno. Lakip sa mga maipit sang programa ang mga imperyalistang kumpanyang Chevron kag British Petroleum PLC. Gintakda sang gubyrno ang katapusan nga adlaw sang 2005 bilang dedlayn sa pagsulod sa sosyohan kag ang indi pagsunod diri kumpiskahon sang gubyrno.

Kadungan sini, ginasyunalisa man sang gubyrnong Chavez ang produksyon sang aluminum kag ginpauntat ang pribatisasyon sang mga industriya. Nag-anunsyo man si Chavez sang plano nga pagrepaso kag posible ang di pagkilala sa mga pribadong konsesyon sa pagmina sa pungsod agud hatagan-dalan ang pagtukod sang isa ka pungsodnon nga kumpanya sa pagmina. Ang mga tikang nga ini direkta nga labag sa mga dikta sang US kag sang mga imperyalistang institusyon pareho sang World Bank.

Tanan nga mga tikang nga ini yara sa balayon sang Plan Bolivar 2000, isa ka patriyotiko nga programa batuk sa kaimulon.

Duta kag pagkaon. Ginapatuman ni Chavez sadtong 2001 ang pinakamalapad nga reporma sa kasaysayan sang Venezuela. Ginpasar nga layi sang iya gubyrno ang paglimita sa kadakuon sang mahimo angkuon nga duta, pagbuhis sa mga abandunado nga duta, pagpanagtag sang mga kadutaan sa mga mangunguma sini kag pag-

nasyunalisa sang dalagku nga parsela sang pribadong kadutaan sang dalagku nga pamilya kag kumpanya.

Sa umpisa, naging mahinay ang pagpatuman sang reporma dahil sa pagpamatuk sang mga agalon nga mayduta.

Pero wala sini napaatras ang gubyrno ni Chavez. Makaligad ang tatlo ka tuig, napukan na ang kadam-an sang monopolyo sa duta kag gahum sang mga anay nagaharing pyudal sa kaumhan sang Venezuela. Nanawagan ang gubyrno ni Chavez sadtong nagligad nga tuig sang pagpadasig sang pagpatuman sang programa sa reporma, ilabi na pagpanagtag sang mga pribadong asyenda. Kadungan sini, ginanunsyo ni Chavez ang pagkumpiska sang 8, 490 ektaryang Rancho Marquesena agud himuon ini nga kooperatiba nga ulumhan sang estado. Lima ka gatos kalibo (500, 000) ektarya sang kadutaang agrikultural ang target nga iganasyunalisa sa idalum sang programa.

Luwas sa mga kadutaan, ginaumpisahan man ni Chavez ang programa para pagnasyunalisa sang mga pabrika sa pangkaon. Sadtong Setyembre man, kinumpiska sang gubyrno ang isa ka planta nga ginapanag-iyahan sang Alimentos Polarang nagapanguna nga pribadong kumpanya sa pagkaon sa pungsod. Nauna diri ginkumpiska man sang gubyrno ang isa ka plante sa pagproseso sang kamatis sang Amerikano nga kumpanyang H.J. Heinz.

Serbisyo sosyal. Luwas sa daku nga resorsa sang estado nga naghalin sa pagkontrol sini sa industriya sang langis, nagpasar ang parlamento sang Venezuela sang layi nga nagpahanugot

kay Chavez nga kumuha sa \$32.6 bilyon nga reserbang dolyar sang pungsod para sa mga serbisyo sosyal.

Halin 1999, nag-organisa ang gubyrnong Chavez sang mga programa para magdul-ong sang serbisyo sa pinakaimol nga komunidad. Pangunahon sa mga ini ang mga misyong medikal kag pang-edukasyon. Ang mga misyong medikal masami ginahimo sang tim sang mga doktor nga padala sang Cuba kabaylo sang suplay nga langis. Luwas sa libreng pagpabulong sang gubyrno sa tanan nga nagakinahanglan, ginabuligan man sang mga doktor ang pumuluyo nga magorganisa para sa ila mga kinahanglanon medikal.

Ang mga programa pang-edukasyon naman ginapatuman pangunahon na paagi sa libreng edukasyon para sa tanan tubtub sa mga kolehiyo kag unibersidad. Malaparan nga ginapahulag man ang mga grupo nga ginhanas sang gubyrno para magpalapnag sang literasiya kag magpatuman sang mga programa agud matuon ang tanan nga iba pang pumuluyo nga wala naka-eskwela, tigulang man ukon bata na.

Luwas sa mga ini, may mga programa man para sa reporma sa duta, paghanas sa trabaho kag iban pa nga lunsay direktang ginapondohan kag ginaubayan sang upisina sang presidente.

Paagi sa mga ini, nadul-ong sang gubyrno sa pumuluyo ang mga serbisyo nga malawig nga panahon gindinggot sa ila. Sa sulod sang pito ka tuig nga pag-alagad ni Chavez, 1.4 milyon ang nakahibalo magsulat kag magbasa kag tatlong milyon nga imol ang nakasulod sa buluthuan. Sitenta porsyento (70%) sang populasyon nga 25 milyon ang nagabaton subong sang libreng serbisyo medikal. Kwarenta'y singko (45%) naman ang nagabaton sang subsidyo nga pagkaon paagi sang mga kooperatiba kag mga espesyal nga programa sa pagkaon.

“Venezuela...,” sundan sa pahina 12



Kahublagang kooperatiba. Mayor nga bahin man sang programa ni Chavez ang kahublagang kooperatiba sa kubay sang mga mamumugon. Paagi sang Ministerio Para La Economia Popular (Minep), ginahanas sang gubyrerno ang mga mamumugon bilang mga katuwang nga tagaadministrar sa mga empresa pareho sang PDVSA. Ginahanas kag ginapondohan man ang mga ordinaryong Venezuela sa pagpadalagan sang mga kooperatibang mamumugon. Madamu sa nasambit nga mga kooperatiba kag magagmay nga negosyo nga gintukod tubtub 10 katawo.

Sa sulod sang isa ka tuig, mas o menos 3,000 kooperatibang mamumugon ang natukod gilayon. Sining katapusan sang 2005, masobra 45,000 sang kooperatiba ang natukod sa bilog nga pungsod kag masobra 700,000 katawo na ang nahatagan sang paghanas sa pagtukod kag pagpadalagan sang kooperatibang mamumugon.

Demokrasya nga pangmasa. Ginapatuman man sa idalum sang gubyrernong Chavez ang signipikanteng pagbag-o sa sistemang pulitikal agud hatagan-dalan ang pagpalambo sang demokrasya. Pangunahon diri ang pagsuporta sang gubyrerno sa pag-organisa sang ginatawag nga "Bolivarian circle", mga organisasyon nga nakabase sa mga kabanwahanan. Nagaabot sa masobra duha ka milyon ang katapu sang mga organisasyon nga ini sadtong 2003. Ginaabaga sini ang mga hilikuton halin sa pagpatahum sang mga komunidad, pagsuporta sa mga negosyo kag pagpagsik sang aktibismong pangpulitika sang pumuluyo. Naghulag ang mga organisasyon nga ini sa pagbatu sa kudeta sang 2002 nga nagtuyo magpahalin kay Chavez.

Ginapangunahan man sang gubyrernong Chavez ang pagtukod, paghanas kag pagpaarmas sang mga milisya sa kubay sang masang Venezuelan. Ang gilayon nga programa sang "Mission Miranda" amo ang pagtukod sang malapad nga hangaway sang pumuluyo kag reserbang militar. Isa kag tunga ka milyon nga armadong milisya ang pagahanason sang Venezuela bilang kabahin sang paghanda para sa pagdepensa sang pungsod sa iya kagalingon. Nag-angkat ang Venezuela sadtong isa ka tuig sang pang-umpisa bnga 100,000 ripleng AK-47, mga helikopter pang-gera halin sa Russia kag mga eroplano kag barko militar halin sa Brazil kag Spain.

MAGATAPOS subong nga tuig ang ikaduha nga termino ni Chavez bilang pangulo. Sa maabot nga Nobyembre, liwat siya nga magaatubang sa mga botante nga Venezuelan agud maghingyo sang panibag-ong basbas bilang presidente. Tubtub padayon siya nga nagapatuman sa iya mga promisa nga pagbag-o sang katilingban, indi malayo nga matuman man ang siling niya intensyon nga magserbisyo tubtub 2021.

AB

Sin-o si Hugo Chavez?

Si Hugo Rafael Chavez Frias ang ika-53 kag presidente subong sang Venezuela. Sa edad nga 17, nagsulod si Chavez sa Venezuela Academy of Military Sciences kon sa diin nagtapos siya bilang *sub-lieutenant*.

Maluwas sa iya kabuhi-militar, maduagon man ang rebolusyonaryo nga inagihan ni Chavez. Sadto nga sa militar pa siya, naimpluwensyahan siya sang utod niya nga si Adan nga myembro sadto sang Party of the Venezuela Revolution (PRV) nga sadto anti-imperyalista kag antipyudal. Aktibo nga nag-entra si Chavez sa tago nga paghulag sang PRV sa kubay sang mga pwersa militar.

Pagkatapos sang pila ka bulan sa serbisyo militar, nagpursiger nga magtuon si Chavez sang kurso nga *political science* sa Simon Bolivar University sa Caracas (kabisera sang pungsod). Diri ginpalambo niya kag sang naorganisa niya ang mga estudyante ang patriyotiko kag rebolusyonaryong kawsa sang "Bolivarian". Ubay sa ila mga pagtuon ang pilosopiya ni Simon Bolivar, ang patriyotiko nga rebolusyonaryong lider sang Venezuela sadtong ika-19 siglo.

Pagkatapos sang pagtuon ni Chavez, 17 ka tuig siya nga nag-alagad sa serbisyo militar. Lakip sa mga serbisyo militar niya ang pagtudlo sa Military Academy of Venezuela, kon sa diin una siya nakilala bilang radikal nga kritiko sang gubyrerno kag sang sistema pangkatilingban sa Venezuela. Sa panahon nga ini gintukod niya ang Revolutionary Bolivarian Movement ("MBR-200"). Halin diri nakilala na siya bilang isa sa mga pangunahon nga progresibong lider sa pulitika sa Venezuela kag nangin popular sa kadam-an nga anakbalhas.

Ginpamunuan ni Chavez ang isa ka napaslawan nga sibilyan-militar nga kudeta sadtong Pebrero 2, 1992 batuk sa papet, garuk kag pasistang rehimen ni Carlos Andres Perez. Ginhunong siya pero nakagguwa matapos mapatalsik si Perez. Sadtong 1998, napilian siya bilang pangulo dala ang kawsa nga Bolivarian bilang plataporma. Liwat nga napilian bilang presidente sadtong 2000.

Wala untat nga ginsulsulan sang gubyrernong US ang mga gaway sini sa kubay sang mga komprador kag agalon nga mayduta, pero padayon man nga ginapaslaw ni Chavez ang mga pagtinguha niya nga pukanon siya paagi man sa kudeta, paghulag sa karsada kag pati *recall referendum* sadtong 2004.

AB

Tiangge sang shabu sa Pasig City

ISA ka "tiangge" sang shabu ginreyd sang mga pulis sadtong Pebrero 10 sa Pasig City, mga 250 metros lamang ang distansya halin sa istasyon sang PNP kag sa *city hall*. Naglab-ot sa halos 400 ka tawo ang gin-dakop sa reyd, lakip ang 50 nga nagtinda diri. Pila sa mga nadakpan nga nagagamit mga menor de edad.

Bangud sa kalapiton sa natumod nga merkado sang iligal nga droga sa upisina sang alkalde kag sa istasyon sang pulis, indi lang pila ang nag-isip nga sa minimum protektor sini si Pasig City Mayor Vicente Eusebio kag ang pulisya sa syudad.

Pila ka adlaw lamang matapos ang reyd, ginpan-gunahan ni Eusebio ang demolisyon sa lugar, bagay nga ginkadismaya sang mga imbestigador sang kaso. Bangud sa demolisyon sang "tiangge", madamo nga mga importante nga ebidensya ang nadula.

Sa ano pa man indikasyon ang pagkatukib sa tiangge" sang shabu kon ano na kalubha ang salot nga iligal nga droga sa pungsod kag kon ano na kadalom ang pagka-umid mismo sang mga upisyal sang gubyrno kag mga tagapatuman kuno sang layi. Wala na sang paglaum nga mauntat ang pagbaligya kag paggamit sang iligal nga droga sa pungsod kon wala sang rebolusyonaryo nga pagbag-o sa sosyedad bangud ang pagkalulong sa ginabawal nga droga nakaugat sa kagarukan sang reaksyunaryo nga gubyrno kag sistema.

Ambus sa Nepal kag India

INAMBUS sang mga hangaway sang People's Liberation Army of Nepal sang Communist Party of Nepal-Moist ang mga tropa nga pangseguridad ni Haring Gyanendra sang Nepal sadtong Pebrero 9 sa Nawalparasi, isa ka distrito sa nabagatnan--nakatungdan nga bahin sang pungsod. Duha ka suldado ang napatay kag napilasan ang sobra 20. Maluwas diri, may indi magnubo sa 10 ka suldado ang nabihag sang mga gerilya.

Natabo ang engkwentro isa ka adlaw matapos ang ginlangaw nga eleksyon munisipal nga gin-patawag ni Haring Gyanendra. Naglab-ot lamang sa 8% sang mga botante ang aktwal nga bumoto sam-tang 600 nga kandidato lamang ang nagdalagan para sa 4,000 nga pusisyon sa lokal nga gubyrno.

Samtang, walo ang napatay nga elemento sang Central Industrial Security Force sang salakayon sang gerilya People's War Group ang isa ka taguan sang gubyrno sang mga eksplosibo sadtong Pebrero 10 sa Chhatisgarh, India. Siyam ka pwersa pangseguridad ang napilasan.

80,000 mamumugon sa Germany mawad-an sang trabaho

MALAB-OT sa 80,000 mamumugon sa Germany ang mawad-an sang trabaho sa mga maabot nga tuig sa atubang sang malaparan nga magpahalin sa trabaho sa dalagku nga korporasyon.

Nakatalana nga pahalinon sa trabaho ang 32,000 ma-mumugon sang Deutsche Telekom, isa ka kumpanya nga gi-napanag-iyahan sang estado kag may monopolyo sang telekomunikasyon sa Germany. Sa nagligad nga isa ka deka-da sang ginhiwat sini ang "restructuring," nagalab-ot na sa 100,000 mamumugon sini ang ginpahalin sa trabaho.

Gin-anunsyo naman sang Volkswagen sadtong Pebrero nga 20,000 mamumugon ukon 6% sang kabilugang pwer-sa sini sa Germany ang pahalinon sa masunod nga tatlo ka tuig. Ang Volkswagen isa sa pinakadaku nga kumpanya nga nagahimo sang mga salakyan sa bilog nga kalibutan.

Samtang nakatalana nga pahalinon sa trabaho ang 11,500 mamumugon sang Daimler Chrysler (nagahimo sang kotse) kag 8,000 mamumugon sang Siemens (nagao-bra sang kagamitan elektroniko). Nagalab-ot naman sa 5,700 mamumugon sang Karstadt-Quelle (pinakadaku nga *department store* sa Europe) ang mawad-an sang trabaho samtang 2,400 ang mapahalin sa HypoVereinsbank.


Ang nagahana nga malaparan nga pagpahalin sigura-do nga maglubong pa gid sa ekonomya sang Germany sang pinakamalala sini nga krisis. Sadtong Enero, naglab-ot na sa 12.1% ang tantos sang disempleyo sa pungsod. Sobra lima ka milyon na nga mamumugon nga German ang mawad-an sang trabaho--pinakamataas sa kasaysayan sang pungsod halin 1993.

Nagadaku ang trade deficit sang US

NAGLAB-OT sa \$ 725.8 bilyon ang depisit sa negosyo sang US sadtong 2005. Mas mataas ini sang 17.5% kumparar sa \$ 17.6 bilyon nga depisit sadtong 2004, suno sa US Commerce Department.

Nagrekord sang daku nga depisit ang US sadtong 2005 bunga sang nagapataas nga importasyon sang langis, pagkaon, salakyan kag iba pa nga produkto nga pangkonsumo. Dalagku nga bulto sang depisito sang US naghalin sa \$ 201.6 bilyon nga depisito sini sa negosyo sa China.

Ang nagapadaku nga depisito sang US sa nagligad nga apat ka tuig ginbunga sang pagsaylo sang mga kumpanya sang US sang produksyon sini sa guwa sang pungsod, pan-gunahon sa China, kon sa diin manubo katama sang pasweldo sa mga mamumugon. Bangud sini, sobra sa tat-lo ka milyon nga trabahador sa manupaktura ang madula halin katung-anan sang 2000.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon

Tuig XXXVII No. 4

Pebrero 21, 2006

www.philippinerevolution.org*Editorial*

Kaptan ang mga leksyon sang EDSA 1 kag 2

Ginadumdum subong nga Pebrero ang ika-20 anibersaryo sang una nga pag-alsa sa EDSA—ang pag-alsa nga nagtapos sa masobra duha ka dekada nga pagginahum sang pasistang diktador nga si Ferdinand Marcos kag nagtapos sa 14 tuig sang layi militar. Ini ang pag-alsa nga putuk-putukan sang masobra isa ka dekada nga paghimakas kag sakripisyo, sang mapisan nga pagpukaw kag pag-organisa kag pagtukod sang


malapad nga nagahiliugyong prente batuk sa papet kag pasistang diktadurya.

Nakasulat na sa kasaysayan sang Pilipinas ang ka-importansya sang EDSA 1. Ang diwa sini sang kaisog, militansya kag ululupod nga pagbatu permi nga ginakaptan sang pumuluyong Pilipino bilang armas sa pag-atubang nila sa mga rehimen nga nagalapak sa ila interes kag kaayuhan. Ang diwa man nga ini ang yara sa likod sang EDSA 2, kag amo man ang sa likod sang subong nga patinguha sang pumuluyo nga tapuson ang ginakangil-aran nila nga rehimen Arroyo.

Gani nga pilit nga ginapakagamay sang rehimen Arroyo ang pagselebrar sa ika-20 anibersaryo sang EDSA 1. Isa ka paki-

tang-tawo nga seremonya lang ang plano sini nga hiwaton. Duduso ini nga ginplano sang Malakanyang matapos pakamalauton sang madamu ang kawad-on sini sang anuman nga plano nga dumdumon ang anibersaryo sang EDSA 1.

Indi na ini dapat katingalahan. Bangungot ni Gloria Arroyo ang nagahana nga liwat pagsulog sang minilyon nga pumuluyo sa karsada sa isa ka dalagkuan nga paghulag nga magatapos sa garuk, papet kag brutal niya nga pagginahum. Gani pilit niya ginapanas



**Mga tampok
sa isyu nga ini...**

Panibago nga sikad
sg nagalapad nga
kahublagang talsik

PAHINA 3

40 armas kimpiska
sang BHB

PAHINA 7

Anti-imperyalismo
sa Venezuela

PAHINA 10

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com